



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Petronilla Virgo. 31. Maii.

[urn:nbn:de:hbz:466:1-62968](#)

40) 387. (o.
tua serid attenderes, tot otiosa, & tot inutilia non
effutires: nihil dices unquam, quod repugnaret
charitati & honestati. De tuis laudibus omnino
conticesceres. Inquire in te ipsum, & invenies ma-
jorem peccatorum tuorum partem verbis contineri.

3. *Esto tardus ad iram:* Justissimam iram Isacius corri-
puit Tyrannum: sed impius præcipiti iram & male-
sanam, Isacium mala sed vera vaticinantem in spino-
sa dumeta immersit: ubi rosas patientie collegit
Propheta, Sæpius iram nostram damnaremus, si
eius causas perpenderemus. Nunquam sanctius
irascimur, quam nobis ipsis, si peccavimus. Si au-
tem in proximum iram effuderimus, aut verbo aut
opere, in gratiam mature redeamus: *Sol non occi-
dat super iracundiam vestram.*

S. PETRONILLA VIRGO.

31. Maii.

*Pater mi si possibile est, transeat a
me calix iste: veruntamen non si-
cut ego volo, sed sicut tu vis*

Matt. c. 22.

HÆc S. Petri ex Perpetua matre Marty-
re, ante Apostolatum genita filia, affixa
à primis annis lecto miseram vitam à morbi-
da vivebat; accipit ipse patens S. Petrus jam
Apostolus

Apostolus & per umbram corporis sui mot
borum depulsor, filiam reddere sanitati vo
luit, salubritorem ei sanitatem ægritudinem as
serens. Expedit (inquietabat) saluti animæ ca
jus, ut ægrotet: veruntamen ut sciatis posse
me divina virtute eam sanare: adestuim(ait)
Petronilla, ministra nostræ mensæ. Surrexit
ministravit. Has quamvis à morbo inducias
impertraverit, dum mensæ serviret, licenti
am tamen morbo reddidit, ut porrò lecta
filiam teneret. Post aliquot tandem annos
morbo jam libera experta est, fidum inte
gritatis suæ custodeim morbum fuisse, cùm
sanam Virginem Flaccus Romanus eques
ambiret sponsam, neque enim corporis jam
infirmitas obtendi potuit, neque tam nobil
li proco repudium dare permettebat urba
nitas: jamque aderant, qui vel invitam de
ducerent, paronymphi equites à sponso. At
Petronilla Deo jam dœvota, cùm mori mal
let, quām homini nubere, quid, ait, arma
tis opus est? date triduum, quo consultem
mecum de subundo mihi matrimonij ju
go; hoc finito, matronæ me ad nobilem
thalatum deducant. Sic spatum nostra sol
vitur in lachrimas, cœlumque fatigat preci
bus, donec tertio die sacris munita à Nico
lae

mede Sacerdote, ne Virginitatem perderet, vitam cœlestis Sponsi desiderio exuit. Ita exanime cadaver missæ matronæ invenerunt, atque ex pronubis factæ pœfice pro Hymenæo nænias decantarunt. In coelis vero victrici Petronillæ opinacion ob virginitatem propugnatam cœlestes genii modulati sunt. Baron. l. i. annal. Ex Beda, & Vgaardo.

M E D I T A T I O *De morborum utilitate.*

1. **D**eus morbos immittit, ut citius emergamus è peccatis, ambulemus cantiùs, copiosius remuneremur, & mortem diligentius mediteremur. Itaque gratias age in morbo, juxta, ac in sanitate; morbi sunt Dei dona, utiliora plerunque ipsâ sanitate, quamvis non ita placeant naturæ. Cùm affligeris morbo dic cum S. Job: si bona suscepimus de manu Domini, mala quare non suscipiamus?

2. Exemplo S. Petronillæ ad Deum, ut ad patrem tuum, confuge, euinque roga, ut sanet infirmitatem tuam; vel potius imitare Jesum Christum, qui in horto Olivarum oravit Patrem suum, ut transiret à se calix passionis. Pater mi, si sic placitum est ante te, si tuæ gloriæ, si meæ saluti expedit, rede mihi sanitatem; tum omnia Deo permitte, & labenti animo accipe, quidquid acciderit. Quid multa pro certo habe, quod, *Quilibet aspera & dura patiatur, minora patimur, quam metemur.* Salv.

3. Si Deus velit, ut diu in morbo, aliisque miseriis jaceas, gratias ipsi age. Lauda, adora divinam ejus providentiam; si vero te morbo, aliisque afflictionibus expediērit, memento ideo Dominum hoc fecisse, ut ipsi servires, quemadmodum Petronilla Patri suo ministravit. *Noli amplius peccare*; ita Christus monebat eos, quos sanarāt. Sta promissis, nec obliviscāre beneficiorum amantissimi Patris,



J U N I U S.
S. S I M E O N
Confessor.

i. Junii.

Omne gaudium existimate fratres mei, cum intentiones varias incideritis: Scientes, quod probatio fidei vestra patientiam operatur.

Jacobi. i. c. v. 2.

SIMEON Siculus adoratis, quas Dei filius sacravit, regionibus ad amorem paupertatis, quam omnia ejus vestigia spirant, exarsit.